

rechtueerdich sy op my een dienersche
dijne groetheit. diestu gheuestighet
heuest myt dinen durbaren bloede
op dat ick altoes inder waerh^t blij-
ue **D**ie hant dijne barmherticheit
heffe my op dat ick weder opstae als
ick gheuallen byn **D**ijne recht hat
make my ghesunt op dat ick niet
en valle in die moeghenth^t des le-
uendighen godes **D**ie hant dijne
wijsheit regere my in welker hat
spryt alle die sielen der gherechtiger
en alle eynden der eerden **O** milde
Jesu mijn heyl is in dijne hant daer
omme beuele ick dy mijn licham
ende siele want ick en mach noch
leuendich noch doet ontuleen de hat
dijne moeghentheit **D**u heueste
huden gheopent die hant dijne
guedertrenh^t en heueste alle creatu-
ren veruult myt guetheit **O** alre
guedertrenste **J**esu du en moeghe